

碧雲集



碧卷



集卷三

四部叢刊集部



卷 碧雲集 三

四部叢刊集部

上海涵芬樓借上元
鄧氏三李盒藏宋刊
書棚本景印魚書板
匡高營造尺五寸四
分寬四寸一分

道光癸未歲三月未切筆兒輩就試玉峯
因過觀骨董鋪中見有標題宋板者無
不取閱聞有郝李二公祠中為邑故家
某氏所藏物聚處遂過之舉所云宋
板者求特元明之物視如珍寶即近日
復刊本以重價居奇無他欲以質亂真
欺人不識也故各肆皆矚再過之唯郝
李祠有常熟蔣板敬一堂帖有人托覓

重雅議價忽見書堆添字板書兩部
其一即此字板碧雲集一套開函視
之駭甚何意字板竟真且非特碧
雲集有犀玉珍如雙璧喜出非常
遂含帖而議書徒所知知借番銀
易得雖物主亦稱字板然以他書之
號稱字板者例之安知其非視為雁
而亂真者乎因記此詩書類末云



卷中有及常西靜觀藏書集長印馮新之印復初
四方印良常馮氏汲古齋藏書淵長印初不知為何
時人時同年深湯湯達興河為郡學博送考山昆山
志注初云但云良常茅山地名而以名金壇因地相近
也金壇確有故家於馮者此藏書之人未之秘也越日
考罷呼思者札示余云良常馮新之勉齋太史馮棗
妻之子伊子為浩拔貢此詩例指教諭現莒州縣
學素者考驗頗覺馮新之送伊子浩素類昨日
開船去故自金壇移居揚州汲古齋藏書大
部帶揚州初遺書人就馮所言余得此書藏書人
現素以此地二奇編也五月望後有檢因附說之竟失

（年）

碧雲集序

朝議郎守尚書水部郎中武騎尉賜紫金魚袋孟

賓于

昔者仲尼刪三百篇梁太子選十九首厥後
 泐朝垂名者不少苦志者彌多入室升堂有其數
 矣然六義之旨二南之風後來未甚窮日沉淪
 者怨刺傷多取事者雅頌一貫亂後江南鄭都
 官王貞白用情創意不共轍不同塗俱不及矣
 今觀滄陽宰隴西李中字有中緣情入妙麗則
 可知出示全編備多奇句祇如乾坤一夕兩草
 木萬方春此乃王澤所均春風廣扇姑蘇懷古



云歌舞一場夢煙波千古愁因想繁華之日引
成興歎之詞書王秀才壁句貧來賣書劍病起
憶江湖詩入興歎時政如何聽鄭道士琴秋月
空山寂渾風一夜生乃景清虛真風迴返徐司
徒池亭句扶疎皆竹樹冷淡似瀟湘心匠所到
景致尤殊落花句酷恨西園雨生憎南陌風阻
公子懽動旅人感寒江暮泊寄左偃云煙火
人家遠汀洲暮雨寒詩人之作客況淒然秋雨
句秋聲在梧葉潤氣逼書幃廬山句谷春攢錦
繡石潤疊瓊琳比興之言搜羅尤異江行泊句

半夜風雷過一天星斗寒恐怖一場虛明徹晚
寄劉鈞云閑花半落處幽谷未來時得故人消
息句夢歸殘月曉信到落花時肺腸難述懷想
可知訪龍光謙上人云相留看山雪盡日論風
騷見請道之相於望寒山之不捨又七言宿廬
山白雲峯重道者院句雲開碧落星河近月出
滄溟世界秋又海上從事秋旦書懷句千里夢
隨殘月斷一聲蟬送早秋來又夜泊寄詩友魚
龍不動沉江遠煙霧皆收皎月高東林寺遠大
師句杉檜已依靈塔老煙霞空鎖影堂深登毗

陵青山樓有感句千里吳山青不斷一邊遼海
浸無窮訪洞仙宮不遇邵道者句羽客不知何
處去洞前花落立多時憶溪居句杜若菰蒲煙
雨歇一溪春色屬何人又六言句半落銅臺月
曉亂飄金谷風多客中春思云又聽黃鳥緜蠻
月斷家鄉未還春水引將客夢悠悠遶遍關山
潛泉句誰當秋霽後獨聽月明中柴司徒亭前
假山句螢影夜潛疑曉起茶煙朝出認雲歸衆
目所觀他心不到春暮懷故人句池館寂寥三
月暮落花重疊蓋莓苔惜春眷戀不忍掃感物

心情無計開贈王道士云槎流海上波濤闊酒
滿壺中天地春論玄酒大羹常徒肯愛述神龍
真虎賢者則知公負勤苦值干戈從軍之後受
命已來上表中朝乞歸故國以同氣歿世二親
在堂弃一宰於淮西獲安家於都邑公之忠孝
彰矣賢彥稱之載佩朱衣猶思丹桂乃爲言曰
且名隨榜上者衆藝逐雲高者稀今之人祇儔
方干處士賈島長江向頂第一者哉公理塗民
飲淦水清白著矣歌詠興焉況今賢爲寶以禮
示人必當閨籍將書清庭即踐愚生於邂逅得

桃花

思舊遊有感

送李相公赴昭武

姑蘇懷古二首

贈史虛白

贈蒯亮處士

春夕偶作

子規

書王秀才壁

春日途中作

和王去微見寄

送孫孔二秀才

春日野望懷故人

遊玄真觀

劍客

鶴

送沈郎中遊廬山

題廬山遠師影堂

庭葦

寄左偃

山店寄令圖上人

途中問子規

春日書懷

所思代人

春晚過明氏閑居

贈重安寂道者

江邊吟

獻張義方常侍

贈永貞杜翔少府

獻中書韓舍人

獻徐舍人

新秋有感

秋雨

寄廬山白大師

訪龍光智謙上人

送遷客

柳

又

送廬阜僧歸山陽

投所知

寄左偃

遊北山洞神宮

寄重道者

雲

徐司徒池亭

賦得江邊草

江行夜泊

訪山叟留題

晚泊寄湓城知友

秋夕書情

感興

舟中望九華山

漁父

贈紫極宮劉先生

勉同志

寄劉鈞秀才

離亭前思有寄

贈上都先業大師

思九江舊居三首

贈東林白大師

春曉

聽鄭羽人彈琴

秋夕書事寄友人

秋日途中

秋夜吟寄左偃

竹

懷廬岳舊遊

依韻酬智謙上人

落花

題柳

贈謙明上人

書蔡隱士壁

贈鍾尊師遊茅山

訪徐長史留題水閣

夕陽

鷓鴣

所思

春閨辭二首

臘中作

海城秋日書懷

題柴司徒亭假山 都下寒食夜作

客中春思六言 所思六言

卷中

江館秋思 贈胸山楊宰

廬山 送孫霽書記

聽蟬寄孫明府 寄劉鈞正字

贈孫明府 贈書記張濟負外

對竹 送孫明府

經廢宅 溪邊吟

得故人消息 芳草

江南春 悼亡

春晏寄從弟德潤 贈致仕沈彬郎中

憶溪居 登下蔡縣樓

下蔡春偶作 再遊洞神宮

秋雨二首 經古觀有感

訪蔡處士留題 烈祖孝高挽歌

又 贈文依上人

秋夕病中作 寄黃鸚秀才

春日書懷 柴司徒宅牡丹

贈王道者 春閨辭二首

暮春懷故人

秋日登潤州城樓

晚春客次偶吟

對雨寄林番明府

落花六言

鷺六言

鷺六言

宿山中寺

依韻酬左偃見寄

春晚招魯從事

和易秀才

春日見寄

送黃秀才

庭竹

送戴秀才

病起作

離家

村行

獻喬侍郎

獻中書張舍人

和郎負外赴倅職

又送赴闕

書郭判官幽齋壁

石碁局獻時宰

海城秋夕寄懷舍弟

和夏侯秀才

送夏侯秀才

江南重會友人

又

捧宣頭離下蔡

哭舍弟二首

書情寄詩友

讀蜀志

獻張拾遺

獻中書湯舍人

太守新荆東亭

宮詞二首

採蓮女

鍾陵春思

贈夏秀才

夏日書依上人壁

下蔡春暮旅懷

捧宣頭許歸侍養

途中作

都下再會友人

登毗陵青山樓

和陳銳秀才見寄

春苔

夏雲

書夏秀才幽居壁

紅花

秋吟寄陳祕書

酬王少府見貽

暮春寄宋維貞外

題新栽小松

貽綬上人

念法華經

秋日途中

宿韋校書幽居

和友人秋夕見寄

酬高援秀才見贈

送智雄上人

覽友人詩卷

送人南遊

晉陵縣夏日作

夕陽

卷下

郵亭蚤起

客中寒食

旅館秋夕

宿米處士幽居

維舟秋浦逢故人

代別

悼懷王喪妃

酒醒

送虞道士

懷舊夜吟寄趙杞

宿臨江驛

途中柳

隔墻花

廣陵寒食夜

寄廬山莊隱士

吉水寄閻侍御

送張少府之江陰

鍾陵禁煙寄從弟

夜泊江渚

依韻酬華松秀才

貽清溪觀王尊師

王昭君

送姚端先輩歸寧

江村晚秋作

蛩

感秋書事

訪廬山歸章禪伯

栖隱洞留題

江行值暴風雨

杪秋夕吟懷宋維

七夕

酬閻侍御見寄

清溪逢張秀才

送閻侍御歸闕

柴太尉席上作

海上春夕寄左偃

江次維舟登古寺

春日招宋維先輩

吹笛兒

所思

酬夏侯秀才見寄

和友人喜雪

感事呈所知

送汪濤

言志寄劉鈞秀才

訪澄上人

經古寺

送王道士遊東海

貽青陽宰

哭故主人陳太師

秋江夜泊寄劉鈞

和潯陽宰五絕句

哭柴郎中

訪章禪老

泊秋浦

閑居言懷

舟次彭澤

宿鍾山知覺院

遊茅山二首

鶴

暮春吟懷寄姚端

送圖上人歸廬山

送相里秀才

漁父二首

旅次聞砧

寄楊先生六言

對酒招陳昭用

旅夜聞笛

送紹明上人

再到山陽尋故人
不遇

又

寄簡寂觀重道者

思湓浦舊居

感舊寄柴司徒五首

泉

題徐五教池亭

遙賦義興潛泉

和毗陵曹糾見寄

貽奉長老

吉水逢蔡秀才

寄彭仁正字

和彭正字見寄

和柴軍使清明
書事

壬申歲再過廬山

留題胡參卿幽居

放鷺鷥

柳絮

早春

春雲

送姚秀才遊毗陵

和魯裕見寄

叙吟二首

梅花

冬懷寄惟真大師

獻中書潘舍人



碧雲集目錄終

臨安府棚北睦親坊南陳宅書籍鋪印



碧雲集卷上



登仕郎守新淦縣令知鎮事賜緋魚袋李中



春日作



和氣來無象物情還暗新乾坤一夕兩草木萬
方春染水煙光媚催花鳥語頻高臺曠望處歌
詠屬詩人

寒江暮泊寄左偃

維舟蘆荻岸離恨若為寬煙火人家遠汀洲暮
雨寒天涯孤夢去蓬底一燈殘不是憑騷雅相
思寫亦難

喜春雨有寄

青春終日雨公子莫思晴任阻西園會且觀南
畝耕最憐滋穰麥不恨濕林鶯父老應相賀豐
年兆已成

魏夫人壇

僊壇遺跡在苔合落花明絳節何年返白雲終
日生旋新芳草色依舊偃松聲欲問希夷事音
塵隔上清

訪洞神宮邵道者不遇

閑來僊觀問希夷雲滿星壇水滿池羽客不知

何處去洞前花落立多時

雲滿一作雲隔

寄贈致仕沈彬郎中

鶴氅換朝服逍遙雲水鄉有時乘一葉載酒入
三湘塵夢年來息詩魔老亦一作更狂尊羹與鱸

鱠秋興最宜長

宜一作應

贈別

行盃酌罷歌聲歇不覺前汀月又生自是離人
魂易斷落花芳草本無情

送劉恭遊廬山兼寄令上人

松桂煙霞蔽梵宮詩流閑去訪支公石堂磬斷

相逢夜五老月生谿影空

宿廬山白雲峯重道者院

絕頂松堂喜暫遊一宵玄論接浮丘雲開碧落
星河近月出滄溟世界秋塵裏年光何急急夢
中強弱自悠悠他時書劔酬恩了願逐鸞車看
十洲

海上從事秋日書懷

悠悠旅宦役塵埃舊業那堪信未迴千里夢隨
殘月斷一聲蟬送早秋來壺傾濁酒終難醉匣
鎖青萍久不開唯有搜吟遣懷抱涼風時復上

高臺

訪蔡文慶處士留題

幽人棲息處一到滌塵心鮮色花陰闊碁聲竹
逕深籬根眠野鹿池面戲江禽多謝相留宿開
樽拂素琴

寄廬岳鑒上人

岳寺棲銜錫常人親亦難病披青衲重晚剃白
鬚寒烘壁茶煙暗填溝木葉乾昔年皆禮謁頻
到碧雲端

書小齋壁

其誰肯見尋冷淡少知音塵土侵閑榻煙波隔
故林竹風醒晚醉窻月伴秋吟道在惟求已明
時豈陸沉

懷王道者

閑思王道者逸格世難羣何處眠青嶂從來愛
白雲酒沽應獨醉藥熟許誰分正作趨名計如
何得見君

桃花

祇應紅杏是知音灼灼偏宜間竹陰幾樹半開
金谷曉一溪齊綻武陵深艷舒百葉時皆重子

熟千年事莫尋誰步宋牆明月下好香和影上
衣襟

思舊遊有感

長憶銜盃處醪醕尚未闌江南正煙雨樓上恰
春寒好樹藏鶯密平蕪徹野寬如今無
音
信隔波瀾

依韻和智謙上人送李相公赴昭武軍

暫別廟堂上雄藩去豁情秋風生鴈渚晚霧濕
龍旌吟裏過侯服夢中歸帝城下車軍庶樂千
里月華清

姑蘇懷古

闔閭興霸日繁盛復風流歌舞一場夢煙波千古愁樵人歸野迳漁笛起扁舟觸目牽傷感將行又駐留

又

蘇臺蹤跡在曠望向江濱往事誰堪問連空草自春花疑西子臉濤想伍胥神吟盡情難盡斜陽照路塵

贈史虛白

致主嘉謀尚未伸慨然深志與誰論喚迴古意

琴開匣陶出真情酒滿樽明月過溪吟釣艇落花堆蓆睡僧軒九重夢卜時終在莫向深雲獨閉門

贈蒯亮處士

著得新書義更幽負琴何處不遨遊玄宮寄宿月華冷羽客伴吟松韻秋滿戶煙霞思紫閣一帆風雨憶滄洲吾君側席求賢切未可懸瓢枕碧流

春夕偶作

早是春愁觸目生那堪春夕酒初醒貫珠聲罷

人歸去半落桃花月在庭

子規

暮春滴血一聲花落年年不忍聽帶月莫啼江
畔樹酒醒遊子在離亭

書王秀才壁

茅舍何寥落門庭長綠蕪貧來賣書劍病起憶
江湖對枕暮山碧伴吟涼月孤前賢多晚達莫
嘆有霜鬚

春日途中作

干祿趨名者迢迢別故林春風短亭路芳草異

鄉心雨過江山出鶯啼村落深未知將雅道何
處謝知音

依韻和蠡澤王去微秀才見寄

咫尺風騷客難諧面繼酬相思對煙雨一鴈下
汀洲花影誰家塢笛聲何處樓楮筇朗吟罷搔
首獨遲留

送孫孔二秀才遊廬山

廬山多勝景偏稱二君遊松逕蒼苔合花陰碧
澗流傾壺同坐石搜句共登樓莫學天台客逢
山即駐留

春日野望懷故人

野外登臨望蒼蒼煙景昏暖風醫病草甘雨洗
荒村雲散天邊影潮迴島上痕故人不可見倚
杖役吟覓

遊玄真觀

閑閑遊古觀靜慮想神僊上景非難度陰功不
易全醮壇松作蓋丹井蘚成錢浩浩紅塵裏誰
來叩自然

劍客

恩讎期必報豈是輒輕生神劍冲霄去為誰平

不平

鶴

警露精神異冲天羽翼新千年一歸日誰識今
威身

送致仕沈彬郎中遊茅山

掛却朝冠披鶴氅羽人相伴恣遨遊忽因風月
思茅嶺便挈琴樽上葉舟野寺宿時覓夢冷海
門吟處水雲秋華陽洞府年光永莫向僊鄉擬
駐留

題廬山東寺遠大師影堂

遠公遺迹在東林往事名存動苦吟杉檜已依
靈塔老煙霞空鎖影堂深入簾輕吹催香印落
石幽泉雜磬音十八賢人消息斷蓮池千載月
沉沉

庭葦

品格清於竹詩家景最幽從我向池沼長似在
汀洲玩好招溪叟棲堪待野鷗影踈當夕照花
亂正深秋韻細堪清耳根牢好繫舟故溪高岸
上冷淡有誰遊

寄左堰

每病風騷路荒涼人莫遊惟君還似我成癖未
能休捨寐緣孤月忘形爲九秋垂名如不朽那
恨雪生頭

宿山店書懷寄東林令圖上人

一宿山前店旅情安可窮猿聲鄉夢後月影竹
牕中南楚征途闊東吳舊業空虎溪蓮社客應
笑此飄蓬

途中聞子規

春殘杜宇愁越客思悠悠雨歇孤村裏花飛遠
水頭微風聲漸咽高樹血應流因此頻回首家

山隔幾州

春日書懷

千峯雪盡鳥聲春
永日孤吟野水濱
霄漢路岐昇未得
花時空拂滿衣塵

所思代人

巫峽雲深湘水遙
更無消息夢空勞
夢迴深夜不成寐
起立閑庭花月高

春晚過明氏閑居

寥寥陋巷獨扃門
自樂清虛不厭貧
數局碁中消永日
一罇酒裏送殘春
兩催綠蘚鋪三徑
風

送飛花入四鄰
羨爾卽吟無外事
滄洲何必去垂綸

贈重安寂道者

寒松肌骨鶴心情
混俗陶陶隱姓名
白髮只聞悲短景
紅塵誰解信長生
壺中日月存心近
島外煙霞入夢清
每許相親應計分
琴餘常見話蓬瀛

江邊吟

風暖汀洲吟興生
遠山如畫雨新晴
殘陽影裏水東注
芳草煙中人獨行
閃閃酒帘招醉客
深

深綠樹隱啼鶯盤栢漁舍忘歸去雲靜高空月
又明

獻張義方常侍

雄飛看是逼崑廊逸思常聞不暫忘公署靜眠
思水石古屏閑展看瀟湘老來酒病雖然減秋
杪詩魔更是狂乘興有時招羽客橫琴移月啓
茅堂

贈永貞杜翺少府

藍袍竹簡佐琴堂縣僻人稀覺日長愛靜不嫌
官況冷苦吟從聽鬢毛蒼閑尋野寺聽秋水寄

睡僧惚到夕陽騫翥會應霄漢去漁竿休更戀
滄浪

獻中書韓舍人

丹墀朝退後靜院即冥搜盡日卷簾坐前峯當
檻秋烹茶留野客展畫看滄洲見說東林夜尋
常秉燭遊

獻徐舍人

清名喧四海何止並南金奧學群英伏多才萬
乘欽秩叅金殿峻步歷紫微深顧問承中旨絲
綸演帝心褒雄饒義路賈馬避詞林下直無他

事開門對遠岑軒牕來晚吹池沼歇秋霖
蘇點生碁石茶煙過竹陰希夷元已達
躁競豈能侵羽客閑陪飲詩人伴靜吟
自慙爲滯物多幸辱虛襟此日重遭遇
心期出陸沉

新秋有感

門巷涼秋至高梧一葉驚漸添衾篔簹
爽頓覺夢魂清暗促蓮開艷乍催蟬發
聲雨降炎氣減竹引冷煙生戍客添歸
思行人怯遠程未逢征鴈下漸聽夜砧
鳴張翰思鱸興班姬詠扇情音塵兩難
問蛩砌月空明

秋雨

竟日散如絲吟看半掩扉秋聲在梧葉
潤氣逼書幃曲澗泉承去危簷燕帶歸
寒蛩悲旅壁亂蘚滑漁磯爽欲除幽篔
簹涼須換熟衣踈蓬誰夢斷荒徑獨遊
稀偏稱江湖景不妨鷗鷺飛最憐爲瑞
處南畝稻苗肥

寄廬山白大師

長憶尋師處東林寓泊時一秋同看月
無夜不論詩泉美茶香異堂深磬韻遲
鹿馴眠蘚逕猿苦叫霜枝別後音塵隔
年來鬢髮衰趨名方汲

汲未果再遊期

訪龍光智謙上人

忽起尋師興穿雲不覺勞相留看山雪盡日論
風騷竹影搖禪榻茶煙上毳袍夢魂曾去否舊
國阻波濤

送遷客

危言危行是男兒倚伏相牽豈足悲莫向汀洲
時獨立悠悠斜日照江蘼

柳

春來無樹不青青似共東風別有情閑憶舊居

湓水畔數枝煙雨屬啼鶯

又

最愛青青水國中莫愁門外間花紅纖纖無力
勝春色撼起啼鶯恨晚風

送廬僧歸山陽

山陽舊社終經夢容易言歸不可留瓶貯瀑泉
離五老錫搖江雨上孤舟魚行細浪分沙嘴鴈
逆高風下葦洲遙想故臯宅邊寺不知涼月共
誰遊

投所知

孤琴塵翳劍慵磨自顧泥蟠欲奈何千里交親
消息斷一庭風雨夢魂多題橋未展相如志叩
角誰憐竊戚歌唯賴明公怜道在敢携篋笠釣
煙波

寄左偃

蕭條陋巷綠苔侵何事君心似我心貧戶懶開
元愛靜病身纔起便思吟閑留好鳥庭柯密暗
養鳴蛩砌草深况是清朝重文物無愁當路少
知音

遊北山洞神宮

悶見塵中光景促仙鄉來禮紫陽君人居淡寂
應難老道在虛無不可聞松檜穩栖三島鶴樓
臺閑鎖九霄雲羨師向此朝星斗一炷清香午
夜焚

思簡寂觀舊遊寄重道者

閑憶當年遊物外羽人曾許駐僊鄉溪頭烘藥
煙霞暖花下圍碁日月長偷摘蟠桃思曼倩化
成蝴蝶學蒙莊俗緣未斷歸浮世空望林泉意
欲狂

雲

悠悠離洞壑冉冉上天津捧日終爲異從龍自
有因高行四海雨暖拂萬山春靜與霞相近閑
將鶴最親帝鄉歸莫問楚殿夢曾頻白向封中
起碧從詩裏新冷容橫釣浦輕縷絆蟾輪不滯
濃還淡無心卷復伸非煙聊擬議干呂在逡巡
會作五般色爲祥覆紫宸

徐司徒池亭

亭榭跨池塘泓澄入座涼扶疎皆竹栢冷澹似
瀟湘萍嫩鋪波面苔深鎖岸傍朝迴遊不歇僧
到賞難忘最稱收殘雨偏宜帶夕陽吟堪期謝

眺醉好命嵇康奢侈心難及清虛趣最長月明
垂釣興何必憶滄浪

賦得江邊草

岸春芳草合幾處思纏綿向暮江蘼雨初晴杜
若煙靜宜幽鷺立遠稱碧波連送別王孫處萋
萋南浦邊

江行夜泊

扁舟倦行役寂寂宿江干半夜風雷過一天星
斗寒潮平沙嘴沒霜苦鴈聲殘漁父何踈逸扣
船歌未闌

訪山叟留題

策杖尋幽客相携入竹扃野雲生晚砌病鶴立
秋庭茶美睡心爽琴清塵慮醒輪蹄應少到門
巷草青青

江行晚泊寄湓城知友

孤舟相憶久何處倍倍關情野渡帆初落秋風蟬
一聲江浮殘照闊雲散亂山橫漸去湓城遠那
堪新月生

秋夕書情

功名未立誠非晚骨肉分飛又入秋枕上不堪

殘夢斷壁蛩窻月夜悠悠

感興

漁休渭水興周日龍起南陽相蜀時不遇文王
與先主經天才業擬何爲

舟中望九華山

排空蒼翠異輟棹看崔嵬一箇雨初歇九峯雲
正開當時思水石便欲上樓臺隱去心難遂吟
餘首懶迴僧休傳紫閣屏歇寫天台中有忘機
者逍遙不可陪

漁父

煙冷暮江濱，高歌散誕身。
移舟過蓼岸，待月正絲綸。
亦與樵翁約，同遊酒市春。
白頭雲水上，不識獨醒人。

贈上都紫極宮劉日新先生

道德吾君重，含真本去華。
因知鍊神骨，何必在煙霞。
某散庭花落，詩成海月斜。
瀛洲舊僊侶，應許寄丹砂。

勉同志

讀書與磨劍，旦夕但忘疲。
儻若功名立，那愁變化遲。
塵從侵硯席，苔任滿庭墀。
明代搜揚切，升

沉莫問龜

寄劉鈞秀才

掩戶當春晝，知君志在詩。
閑花半落處，幽客未來時。
野鳥穿莎迳，江雲過竹籬。
會須明月夜，與子水邊期。

離亭前思有寄

酒醒江亭客，纏綿恨別離。
笙歌筵散後，風月夜長時。
耿耿看燈暗，悠悠結夢遲。
若無騷雅分，何計達相思。

贈上都先業大師

懶向人前着紫衣，虛堂閑倚一條藜。雖承雨露居龍闕，終憶煙霞夢虎溪。睡起曉牕風淅淅，病來深院草萋萋。有時乘興尋師去，煮茗同吟到日西。

思九江舊居 二首

結茅曾在碧江隈，多病貧身養拙來。雨歇汀洲垂釣去，月當門巷訪僧迴。靜臨窻下開琴匣，悶向床頭潑酒醅。遊宦等閑千里隔，空餘魂夢到漁臺。

門前煙水似瀟湘，放曠優游興味長。虛閣靜眠

聽遠浪扁舟閑上泛，殘陽鶴翹碧蘚庭。除冷竹引清風枕簟涼，犬吠疎籬明月上。隣翁携酒到茅堂。

無機終日狎沙鷗，得意高吟景且幽。檻底江流偏稱月，簷前山朶最宜秋。遙村處處吹橫笛，曲岸家家繫小舟。別後再遊心未遂，設屏惟畫白蘋洲。

贈東林白大師 六言

虎溪久駐靈蹤，禪外詩魔尚濃。卷宿吟銷永日，移床坐對千峯。蒼苔冷鏤幽徑，微風閑生古松。

自說年來老病出門漸覺踈慵

春曉

殘燭猶存月尚明幾家幃幌夢魂驚星河漸沒
行人動歷歷林梢百舌聲

聽鄭羽人彈琴

僊鄉景已清僊子啓琴聲秋月空山寂淳風一
夜生莎間虫罷響松頂鶴初驚因感浮華世誰
憐太古情

秋夕書事寄友人

信斷關河遠相思秋夜深砌蛩聲咽咽簷月影

沉沉未遂青雲志那堪素髮侵吟餘成不寐微
曙四鄰砧

秋日途中

竹林已蕭索客思正如雉舊業吳江外新蟬楚
驛頭遙天踈雨過列岫亂雲收今夕誰家宿孤
吟月色秋

秋夜吟寄左偃

與君詩興素來狂況入清秋夜景長溪閣共誰
看好月莎堦應獨聽寒蛩卷中新句誠堪喜身
外浮名不足忙會約垂名繼前哲任他玄髮盡

竹

森森移得自山莊
植向空庭野興長
便有好風來枕簟
更無閑夢到瀟湘
廕來砌蘚經疎雨
引下溪禽帶夕陽
閑約羽人同賞處
安排碁局就清涼

懷廬岳舊遊寄劉鈞因感鑒上人

昔年廬岳閑遊日
乘興因尋物外僧
寄宿愛聽松葉雨
論詩惟對竹窻燈
各拘片祿尋分別
高謝浮名竟未能
一念支公安可見
影堂何處暮雲凝

依韻酬智謙上人見寄

性拙才非逸同心
友亦稀風昏秋病
眼霜濕夜吟衣
鶯谷期猶負蘭陔
養不違吾師惠
佳句勝得楚金歸

落花

年年三月暮無計
惜殘紅酷恨西園
雨生憎南陌風片
隨流水遠色逐斷
霞空悵望叢林下
悠悠飲興窮

題柳

折向離亭畔春光
滿手生群花豈無
艷柔質自

多情夾岸籠溪月兼風撼野鶯隋堤三月暮飛
絮想縱橫

贈謙明上人

雖寄上都眠竹寺逸情終憶白雲端閑登鍾阜
林泉晚夢去沃洲風雨寒新試茶經煎有興舊
嬰詩病捨終難常聞秋夕多無寐月在高臺獨
凭欄

書蔡隱士壁

病後霜鬚出衡門寂寞中蠹侵書帙損塵覆酒
罇空池暗菰蒲雨逕香蘭蕙風幽閑已得趣不

見卜窮通

贈鍾尊師遊茅山

筇杖擔琴背俗塵路尋茅嶺有誰群僊翁物外
應相遇靈藥壺中必許分香入肌膚花洞酒冷
侵魂夢石床雲伊予亦有朝修志異日遨遊願
見君

訪徐長史留題水閣

君家池閣靜一到且淹留坐聽蒹葭雨如看島
嶼秋盃盤深有興吟笑迥忘憂更愛幽竒處雙
雙下野鷗

夕陽

影未沉山水面紅遙天雨過促征鴻魂銷舉子
不回首閑照槐花驛路中

鷺鷥

流品是鴛鴦翻飛雲水鄉風高離極浦煙暝下
方塘比鷺行藏別穿荷羽翼香雙雙浴輕浪誰
見在瀟湘

所思

離思春來切誰能慰寂寥花飛寒食過雲重楚
山遙耿耿夢徒往悠悠鬢易凋那堪對明月獨

立水邊橋

春閨辭二首

卷簾遲日暖睡起思沉沉遼海音塵遠春風旅
館深踈篁留鳥語曲砌轉花陰寄語長征客流
年不易禁

不得遼陽信春心何以安鳥啼窻樹曉夢斷碧
煙殘綠鑑開還懶紅顏駐且難相思誰可訴時
取舊書看

臆中作

冬至雖云遠渾疑朔漠中勁風吹大野密雪翳

高空泉凍如頑石人藏類蟄虫豪家應不覺獸
炭滿爐紅

海城秋日書懷寄胸山孫明府

槐柳蟬聲起渡頭海城孤客思悠悠青雲展志
知何日皓月牽吟又入秋鑑裏漸生潘岳鬢風
前猶着卜商裘鳴琴良宰揮毫士應笑蹉跎身
未酬

題柴司徒亭假山

疊石峩峩象翠微遠山魂夢便應稀從教蘚長
添峯色好引泉來作瀑飛螢影夜攢疑燒起茶

煙朝出認雲歸知君創得茲幽致公退吟看到
落暉

都下寒食夜作

香塵未歇暝煙收滿路笙歌事勝遊自是離人
睡長早千家簾卷月當樓

客中春思

六言

又聽黃鳥絲蠻目斷家鄉未還春水引將客夢
悠悠遶遍關山

所思

六言

門掩殘花寂寂簾垂斜月悠悠縱有一庭萱草

何曾與我忘憂

碧雲集卷上



碧雲集卷中

楊月亭氏



江館秋思因成自勉



江邊候館幽汀島暝煙收客思雖悲月詩魔又
愛秋聲名都是幻窮達未能憂散逸憐漁父波
中漾小舟

贈胸山楊宰

訟閑徵賦畢吏散卷簾時聽雨入秋竹留僧覆
舊碁得詩書落葉煮茗汲寒池化俗功成後煙
霄會有期

廬山

控壓潯陽境崔嵬古及今勢雄超地表翠盛接
天心溢浦春煙到星灣晚影沉圖經宜細覽題
詠卒難任靖節門遙對庾公樓府臨參差令積
雪隱映見歸禽
峭拔推雙劍清虛數二林白蓮池龍歸洞穴深谷
宛在翠輦事難尋天近星河冷春攢錦繡石潤壘瓊琳玄鶴傳僊拜青猿伴客
吟泉通九江遠雲出幾州陰冬有靈湯溢夏無
炎暑侵他年如遂隱五老是知音

送孫霽書記赴壽陽辟命

辟命羨君赴其如愴別情酒闌汀樹晚帆展野
風生淮靜寒煙歛村遙夜火明醉沉胸嶺夢吟

達壽春城舊友搖鞭接元戎掃榻迎雪晴蓮幕
啓雲散桂山橫王粲從軍書陳琳草檄名知君
提健筆重振此嘉聲

聽蟬寄胸山孫明府

忽聽新蟬發客情其奈何西風起槐柳故國阻
煙波隴笛悲猶少巴猿恨未多不知陶靖節還
動此心麼

秋江夜泊寄劉鈞正字

閑憶詩人思倍勞維舟清夜泥風騷魚龍不動
澄江遠雲霧皆收皎月高潮滿釣舟迷浦嶼霜

繁野樹叫猿猱此時吟苦君知否雙鬢從他有一二毛

贈胸山孫明府

縣庭無事似山齋滿砌青青旋長苔閑撫素琴
曹吏散自烹新茗海僧來買將病鶴勞心養移
得閑花用意栽幾度訪君留我醉甕香皆值酒
新開

贈海上書記張濟負外

鵬霄休嘆志難伸貧病雖縈道且存阮瑀不能
專筆硯嵇康唯要樂琴樽春風滿院空歌枕芳

草侵堦獨閉門劔有塵埃書有蠹昔年心事共
誰論

對竹

懶穿幽徑衝鳴鳥忍踏清陰損翠苔不似閑閑
歌枕聽秋聲如雨入軒來

送胸山孫明府赴壽陽幕府辟命

堪羨元戎虛右席便承綸綍赴金臺菊叢憔悴
陶潛去蓮幕光輝阮瑀來好向樽壘陳妙畫定
應書檄播雄才預愁別後相思處月入閑窻遠
夢迴

經廢宅

一夢奢華去不還，斷墻花發豈堪看。
玉纖素綆知何處，金井梧枯碧甃寒。

溪邊吟

鷓鴣雙飛下碧流，蓼花蘋穗正含秋。
茜裙二八採蓮去，笑衝微雨上蘭舟。

得故人消息

多難分離久，相思每淚垂。
夢歸殘月曉，信到落花時。
未必乖良會，何當有後期。
那堪樓上望，煙水接天涯。

芳草

二月正綿綿，離情被爾牽。
四郊初過雨，萬里正鋪煙。
春戀殘花惹，留連醉客眠。
飄香是杜若，最憶楚江邊。

江南春

千家事勝遊景物，可忘憂水國樓臺。
晚春郊煙雨收，鷓鴣啼竹樹。
杜若媚汀洲，永巷歌聲遠。
王孫會莫愁。

悼亡

巷深芳草細，門靜綠楊低。
室邇人何處，花殘月

又西武陵期已負巫峽夢終迷獨立銷魂又雙
雙好鳥啼

春晏寄從弟德潤

相思禁煙近樓上動吟魂水國春寒在人家暮
雨昏朱橋通竹樹香徑匝蘭蓀安得吾宗會高
歌醉一樽

贈致仕沈彬郎中

自言婚嫁畢塵事不關心老去詩魔在春來酒
病深山翁期採藥海月伴鳴琴多謝維舟處相
留接靜吟

憶溪居

竹軒臨水靜無塵別後鳧鷖入夢頻杜若菰蒲
煙雨歇一溪春色屬何人

登下蔡縣樓

長涯煙水又含秋吏散時時獨上樓信斷蘭臺
鄉國遠依稀王粲在荊州

下蔡春偶作

旅館飄飄類斷蓬悠悠心緒有誰同一宵風雨
花飛後萬里鄉關夢自通多難不堪容鬢改沃
愁惟怕酒杯空採蘭扇枕何時遂洗慮焚香叩

上穹

再遊洞神宮懷邵羽人有感

重向煙蘿省舊遊因尋遺跡想浮丘松頭鶴去
三清遠壇畔月明千古秋泉落小池清復咽雲
從高嶠起還收自慙未得冲虛術白髮無情漸
滿頭

秋雨

飄洒當窮巷苔深落葉鋪送寒來客館滴夢在
庭梧逼砌蛩聲斷侵窻燭影孤遙思漁叟興蓑
笠在江湖

又

竟日聲蕭颯兼風不暫闌竹窻秋睡美荻浦夜
漁寒地僻苔生易林疎鳥宿難誰知苦吟者坐
聽一燈殘

經古觀有感

古觀寥寥枕碧溪偶思前事立殘暉漆園化蝶
名空在柱史猶龍去不歸丹井泉枯苔鎖合醮
壇松折鶴來稀回頭因嘆浮生事夢裏光陰疾
若飛

吉水春暮訪蔡文慶處士留題

無事無憂鬢任蒼濁醪閑酌送韶光溟濛雨過
池塘暖狼藉花飛硯席香好古未嘗踈典冊懸
圖時要看瀟湘戀君清話難留處歸路迢迢又
夕陽

烈祖孝高挽歌

誰解叩乾闥音容去不還位方尊北極壽忽殞
南山鳳輦應難問龍驤不可攀千秋遺恨處雲
物鎖橋山

又

僊馭歸何處蒼蒼問且難華夷喧道德陵壠葬

衣冠御水穿城咽宮花泣露寒九疑消息斷空
望白雲端

贈海上觀音院文依上人

煙霞海邊寺高卧出門慵白日少來客清風生
古松虛窻從燕入壞屐任苔封幾度陪師話相
留到暮鍾

秋夕病中作

卧病當秋夕悠悠枕上情不堪拋月色無計避
蟲聲前藥惟憂澁停燈又怕明曉臨清鑑裏應
有白髭生

寄黃鸚秀才

長憶狂遊日惜春心恰同預愁花片落不遣酒
壺空草軟眠難捨鶯嬌聽莫窮如今千里隔搔
首對秋風

春日書懷寄胸山孫明府

一作邊城客閉門兩度春鶯花深院雨書劍滿
床塵紫閣期終負青雲道未伸猶憐陶靖節詩
酒每相親

柴司徒宅牡丹

暮春欄檻有佳期公子開顏乍折時翠幄密籠

鶯未識好香難掩蝶先知願陪妓女爭調樂欲
賞賓朋預課詩只恐却隨雲雨去隔年還是動
相思

贈王道者

混俗從教鬢似銀世人無分得相親槎流海上
波濤闊酒滿壺中天地春功就不看丹竈火性
閑時拂玉琴塵僊家變化誰能測只恐洪崖是
此身

春閨辭二首

塵昏菱鑑懶修容雙臉桃花落盡紅玉塞夢歸

殘燭在曉鶯牕外轉梧桐

邊無音信暗消魂
茜袖香裙積淚痕
海燕歸來門半掩
悠悠花落又黃昏

暮春懷故人

池館寂寥三月盡
落花重疊苦每苔
惜春眷戀不忍掃
感物心情無計開
夢斷美人沉信息
目穿長路倚樓臺
琅玕繡段安何得
流水浮雲共不迴

秋日登潤州城樓

虛樓一望極封疆
積雨晴來野景長
水接海門

鋪遠色稻連京口發
秋香鳴蟬歷歷空相續
歸鳥翩翩自著行吟罷
倚欄深有思清風留我到
斜陽

晚春客次偶吟

暫駐征輪野店間
悠悠時節又春殘
落花風急宿醒解
芳草雨昏春夢寒
慙逐利名頭易白
欲眠雲水志猶難
却憐村寺僧相引
閑上虛樓共倚欄

對雨寄胸山林番明府

竟日如絲不暫停
莎階閑聽滴秋聲
斜飄虛閣

琴書潤冷逼幽窻夢寐清開戶只添搜句味看
山還阻上樓情遙知公退琴堂靜坐對蕭騷飲
興生

落花 六言

殘紅引動詩魔懷古牽情奈何半落銅臺月曉
亂飄金谷風多悠悠旋逐流水片片輕粘短莎
誰見長門深鎖黃昏細雨相和

鷺 六言

豪家五色泥香嚼得營巢太忙喧覺佳人晝夢
雙雙猶在雕梁

鷺 六言

羽毛特異諸禽出谷堪聽好音薄暮欲棲何處
雨昏揚柳深深

宿山中寺

寄宿深山寺惟逢老病僧風吹幾世樹雲暗暮
秋燈瞑目忘塵慮談空入上乘明晨返名路何
計戀南能

海上載筆依韻酬左偃見寄

都城分別後海嶠夢魂迷吟興踈煙月邊情起
鼓鼙戍旗風颭小營柳霧籠低草檄無餘刃難

將阮瑀齊

春晚招曾從事

袞袞利名役常嗟聚會稀有
心遊好景無術駐
殘暉南陌草爭茂西園花亂飛
期君舉盃酒不醉莫言歸

和易秀才春日見寄

每恨多流落吾徒不易親
相逢千里客共醉百花春
小檻山當面閑堦柳拂塵
何時卜西上月桂枝新

送黃秀才

雨餘飛絮亂相別思難任
酒罷河橋晚帆開煙水深
蟾宮須展志漁艇莫牽心
岐路從茲遠雙魚信勿沉

庭竹

偶自山僧院移歸傍砌栽
好風終日起幽鳥有時來
篩月牽詩興籠煙伴酒杯
南窻睡輕起蕭颯雨聲迴

送戴秀才

已是殊鄉客送君重慘然
河橋乍分首槐柳正鳴蟬
短棹離幽浦孤帆觸遠煙
清朝重文物變

化莫遷延

病起作

閑齋病初起心緒復悠悠開篋群書蠹聽蟬滿
樹秋詩魔還漸動藥債未能酬為憶前山色扶
持上小樓

離家

送別人歸春日斜獨鞭羸馬指天涯月生江上
鄉心動投宿狼忙近酒家

村行

極目青青壠麥齊野塘波闊下鳧鷖陽鳥景暖

林桑密獨立閑聽戴勝啼

獻喬侍郎

位望誰能並當年志已伸人間傳鳳藻天上演
龍綸賈馬才無敵褒雄譽益臻除奸深繫念致
主迫忘身諫疏縱橫上危言果敢陳忠貞雖貫
世消長豈由人慷慨辭朝闕迢迢涉路塵千山
明夕照孤棹渡長津杜宇聲方切江籬色正新
卷舒唯合道喜愠不勞神禪客陪清論漁翁作
近鄰靜吟窮野景狂醉養天真格論思名士輿
情渴直臣九霄思復降比戶意皆忻却入鴛鴦

序終承顧問頻漏殘丹禁曉日暖玉墀春鑿物
心如水憂時鬢若銀惟期康庶事永要叙彝倫
貴賤知無間孤寒必許親幾多沉滯者拭目望
陶鈞

獻中書張舍人

僊桂從攀後人間播大名飛騰諧素志霄漢是
前程持憲威聲振司言品秩清簾開春酒醒月
上草麻成丹陛凌晨對清雲逐步生照人裴玉
瑩鑿物憲陂明下直無他事閑遊恣逸情林僧
開戶接溪叟掃苔迎茗茗山房冷垂綸野艇輕
神清宜放曠詩苦益縱橫餘刃時皆仰嘉謀衆
佇行四方觀啓沃必竟念孤平

海上和郎戩負外赴倅職

宋玉逢秋何起悲新恩委寄好開眉班昇鴛鴦
頻經歲任佐龔黃必暫時乍對煙霞吟海嶠應
思蘋蓼夢江湄一朝鳳詔重徵入鵬化那教尺
鷁知

又送赴闕

心似白雲歸帝鄉暫停良畫別龔黃煙波乍曉
浮蘭棹魂夢先飛近御香一路伴吟汀草綠幾

程清思水風涼想應敷對忠言後不放卿雲離
太陽

書郭判官幽齋壁

不妨公退尚清虛
荆得幽齋興有餘
要引好風清戶牖
旋栽新竹滿庭除
傾壺待客花開後
煮茗留僧月上初
更有野情堪愛處
石床苔蘚似匡廬

石碁局獻時宰

得從岳叟誠堪重
却獻臯夔事更宜
公退啓枰書院靜
日斜收子竹陰移
適情豈待樵柯爛
罷

局還應殺齒
隨預想幽窻
風雨夜一燈
閑照覆圖時

海城秋夕寄懷舍弟

鳥栖庭樹夜悠悠
枕上誰知淚暗流
千里夢魂迷舊業
一城砧杵搗殘秋
窻間寂寂燈猶在
簾外蕭蕭雨未休
早晚菜衣同著去
免悲流落在邊州

和夏侯秀才春日見寄

綿蠻黃鳥不堪聽
觸目離愁怕酒醒
雲散碧山當晚檻
雨催青蘚匝春庭
尋芳懶向桃花塢
垂

釣空思杜若汀
晝夢不成吟
有興揮毫書在枕
邊幘

送夏侯秀才

江村搖落暮蟬鳴
執手臨歧動別情
古岸相看殘照在
片帆難駐好風生
牽吟一路逢山色
醒睡長汀對月明
況是清朝至公在
預知喬木定遷鶯

江南重會友人感舊

江南重會面
聊話十年心
共立黃花畔
空驚素髮侵
斜陽浮遠水
歸鳥下疎林
牽動詩魔處
涼

風村落砧

又

長江落照天
物景似當年
憶昔携村酒
相將上釣船
狂歌紅蓼岸
驚鳥起白鷗
眠今日趨名急
臨風一黯然

已未歲冬捧宣頭離下蔡

詔下如春煦
巢南志不違
空將感恩淚
盡滴冒寒衣
覆載元容善
形骸果得歸
無心慙季路
負米覲親闈

哭舍弟二首

鴻鴈離群後成行憶日存誰知歸故里只得奠
吟魂虫蠹書盈篋人稀草擁門從茲長慟後獨
自奉晨昏

又

浮生多夭枉惟爾最堪悲同氣未歸日慈親臨
老時舊詩傳海嶠舍弟有詩云夢斷海上遠新
塚枕江湄遺稚鳴鳴處黃昏繞纒惟

書情寄詩友

默默誰知我徘徊野水邊詩情長若舊吾事更
無先芳草人稀地殘陽鴈過天靜思吟友外此

意復誰憐

讀蜀志

鼎分天地日先主力元微魚水從相得山河遂
有歸任賢無間忌報國盡神機草昧爭雄者君
臣似此稀

獻張拾遺

官資清貴近丹墀性格孤高世所稀金殿日聞
親鳳哀古憚時展看漁磯酒醒虛閣秋簾捲吟
對踈篁夕鳥歸獻替頻陳忠譽播鵬霄萬里展
雄飛

獻中書湯舍人

慶雲呈瑞爲明時
演暢絲綸在紫微
臺殿對時親舜日
鯉庭過處着萊衣
閑尋竹寺聽啼鳥
吟倚江樓戀落暉
隔座銀屏看是設
一門清貴古今稀

海上太守新荆東亭

使君心智杳難同
選勝開亭景莫窮
高敞軒窻迎海月
預栽花木待春風
靜披典籍堪師古
醉擁笙歌不礙公
滿徑苔紋踈雨後
入簷山色夕陽中
偏宜下榻延徐孺
最稱登門禮孔融
事簡

豈妨頻賞翫
況當爲政有餘功

宮詞

門鎖簾垂月影斜
翠華咫尺隔天涯
香銷羅幌不成夢
背壁銀缸落盡花

又

金波寒透水精簾
燒盡沈檀手自添
風遞笙歌門已掩
翠華何處夜厭厭

採蓮女

晚涼含笑上蘭舟
波底紅粧影欲浮
陌上少年休植足
荷香深處不回頭

鍾陵春思

沉沉樓影月當午
冉冉風香花正開
芳草迢迢滿南陌
王孫何處不歸來

贈夏秀才

軒車紫陌競尋春
獨掩衡門病起身
步月怕傷三逕蘚
取琴因拂一床塵
明時儻有丹枝分
清鑑從他素髮新
况是青雲知己在
原思生計莫憂貧

夏日書依上人壁

門外塵飛暑氣濃
院中蕭索似山中
最憐蒼苔名

相留處
踈竹當軒一榻風

下蔡春暮旅懷

柳過春霖絮亂飛
旅中懷抱獨恹恹
月生淮上雲初散
家在江南夢去迷
髮白每慙清鑑啓
心孤長怯子規啼
拜章為養慈親急
願向明朝捧紫泥

捧宣頭許歸侍養

泥書捧處聖恩新
許覲庭闈養二親
螻蟻至微寧足數
未知何處答穹旻

途中作

逢舊識
聞老親
所患不至加甚

煙波涉歷指家林，欲到家林懼却深。
得信慈親病瘵減，當時寬勉採蘭心。

都下再會友人

誰言多難後，重會喜淹留。
欲話關河夢，先驚鬢髮秋。
浮雲空冉冉，遠水自悠悠。
多謝開青眼，携壺共上樓。

登毗陵青山樓

高樓閉上對晴空，豁目開襟半日中。
千里吳山清不斷，一邊遼海浸無窮。
人生歌笑開花露，世界興亡落葉風。
吟罷倚欄何限意，回頭城郭暮

煙籠

晉陵罷任寓居依韻和陳銳秀才見寄
掩門三逕莓苔綠，車馬誰來陋巷間。
卧棄琴書公幹病，笑迎風月步兵閑。
當秋每謝蠶清耳，漸老多慙酒借顏。
濟物未能伸一術，敢於明代愛青山。

春苔

春霖催得鎖煙濃，竹院莎齋迳小通。
誰愛落花風味處，莫愁門巷襯殘紅。

夏雲

如峯形狀在西郊未見從龍上沈寥多謝好風
吹起後化爲甘雨濟田苗

書夏秀才幽居壁

永巷苔深戶半開床頭書劍積塵埃最憐小檻
踈篁晚幽鳥雙雙何處來

紅花

紅花顏色掩千花任是猩猩血未加染出輕羅
莫相貴古人崇儉誠奢華

安福縣秋吟寄陳銳秘書

縣庭事簡得餘功詩興秋來不可窮卧聽寒螿

莎砌月行橋落葉水村風愁髭漸去人前白醉
面猶憐鑑裏紅苦恨交親多契闊未知良會幾
時同

新喻縣酬王仲華少府見貽

事簡開樽有逸情共忻官舍月華清每慙花次
河陽景長愧琴無單父聲未泰黎元誠曠職縱
行謙直是虛名與君盡力行公道敢向昌朝俟
陟明

暮春有感寄宋維負外

杜宇聲中老病心此心無計駐光陰西園雨過

好花盡南陌人稀芳草深喧夢却嫌鶯語老伴
吟惟怕月輪沉明年才候東風至結駟期君預
去尋

題吉水縣廳前新栽小松

斲開幽澗蘚苔斑移得孤根植砌前影小未遮
官舍月翠濃猶帶舊山煙群花解笑香寧久衆
木雖高節不堅輸我婆娑攔檻內晚風蕭颯學
幽泉

貽念法華經綬上人

五更初起掃松堂瞑目先焚一炷香念徹蓮經

誰得見千峯巖外曉蒼蒼

秋日途中

信步騰騰野岸邊離家都爲利名牽踈林一路
斜陽裏颯颯西風滿耳蟬

宿韋校書幽居

溪上高眠與鶴閑開罇留我待柴關園林月白
秋霖歇一夜泉聲似故山

依韻和友人秋夕見寄

夕風庭葉落誰見此時情不作關河夢空聞砧
杵聲會須求至理何必歎無成好約高僧宿同

看海月生

吉水作尉酬高援秀才見贈

佐邑慙無術敢言貧與清風騷誰是主煙月自
關情卷箔當山色開窓就竹聲憐君惠嘉句資
我欲垂名

送智雄上人

忽起游方念飄然不可留未知携一錫乘興向
何州古岸春雲散遙天晚雨收想應重會面風
月又清秋

覽友人卷

新詩開卷處造化竭精英雪霽楚山碧月高湘
水清初吟塵慮息再味古風生自此寰區內喧
騰二雅名

送人南遊

浪跡天涯去南荒必動情草青虞帝廟雲暗夜
郎城越鳥驚鄉夢蠻風解宿醒早思歸故里華
髮等閑生

晉陵縣夏日作

事簡公庭靜開簾暑氣中依經煎綠茗入竹就
清風至論招禪客忘機憶釣翁晚涼安枕簟海

月出墻東

夕陽

影未沉山水面紅遙天雨過促征鴻魂銷舉子
不回首閑照槐花驛路中

碧雲集卷中



宋

碧雲集卷下

郵亭蚤起

郵舍殘燈在村林雞唱頻星河吟裏曉川陸望
中春舊友青雲貴殊鄉素髮新悠悠念行計難
更駐征輪



客中寒食

旅次經寒食思鄉淚濕巾音書天外斷桃李雨
中春欲飲都無緒唯吟似有因輸他郊郭外多
少踏青人

旅館秋夕

寥寥山館裏獨坐酒初醒舊業多年別秋霖一
夜聽砌蛩聲漸息窻燭影猶停蚤晚無他事休
如泛水萍

宿青溪米處士幽居

寄宿溪光裏夜涼高士家養風窻外竹叫月水
中蛙靜慮同搜句清神旋煮茶唯憂曉雞唱塵
裏事如麻

維舟秋浦逢故人張矩同泊

卸帆清夜碧江濱冉冉涼風動白蘋波上正吟
新霽月岸頭恰見故鄉人共驚別後霜侵鬢互

說年來疾逼身且飲一壺銷百恨會須遭遇識
通津

代別

明日鳴鞭天一涯悠悠此夕怯分離紅樓有恨
金波轉翠黛無言玉筯垂浮蟻不能迷遠意迴
紋從此寄相思花時定是慵開鑑獨向春風忍
掃眉

悼懷王喪妃

花綻花開事可驚暫來浮世返蓬瀛楚宮夢斷
雲空在洛浦神歸月自明香解返魂成浪語膠

能續斷是虛名音容寂寞春牢落誰會樓中獨立情

酒醒

睡覺花陰芳草軟不知明月出牆東盃盤狼籍人何處聚散空驚似夢中

送虞道士

煙霞聚散通三島星斗分明在一壺笑說餘杭沽酒去蔡家重要會麻姑

懷舊夜吟寄趙杞

長笛聲中海月飛桃花零落滿庭堦龜銷事去

無尋處酒醒孤吟不寐時萱草豈能忘積恨尺書誰與達相思悠悠方寸何因解明日江樓望渺瀰

宿臨江驛

候館寥寥輟棹過酒醒無奈旅愁何兩昏郊郭行人少葦暗汀洲宿鴈多干祿已悲凋髮鬢結茅終愧負煙蘿篇章早晚逢知己苦志忘形自有魔

途中柳

翠色晴來近長亭路去遙無人折煙縷落日拂

溪橋

隔牆花

顏色尤難近馨香不易通朱門金鎖隔空使怨
春風

廣陵寒食夜

廣陵寒食夜豪貴足佳期紫陌人歸後紅樓月
上時綺羅香未歇絲竹韻猶遲明日踏青興輸
他輕薄兒

寄廬山莊隱士

煙蘿擁竹關物外自求安逼枕溪聲近當簷岳

色寒藥苗應自採琴調對誰彈待了浮名後依
君共掛冠

吉水寄閻侍御

時公調官濠川

何處懷君切令人欲白頭偶尋花外寺獨立水
邊樓不得論休戚何因按獻酬吟餘興難盡風
笛起漁舟

送張惟貞少府之江陰

相送煙汀畔酒闌登小舟離京梅雨歇到邑早
蟬秋俗必期康濟詩誰平唱酬晚涼諸吏散海
月入一作虛樓

鍾陵禁煙寄從弟

落絮飛花日又西，踏青無侶草萋萋。
交親書斷竟不到，忍聽黃昏杜宇啼。

夜泊江渚

水鄉明月上晴空，汀島香生杜若風。
不是當年獨醒客，且沽村酒待漁翁。

吉水縣依韻酬華松秀才見寄

官況蕭條在水村，吏歸無事好論文。
枕歌獨聽殘春雨，夢去空尋五老雲。
竹迳每憐和藪步，禽聲偏愛隔花聞。
詩情冷淡知音少，獨喜江皋得

見君

貽廬山清溪觀王尊師

霞帔星冠復杖藜，積年修鍊住靈溪。
松軒睡覺冷雲起，石磴坐來春日西。
採藥每尋巖迳遠，彈琴常到月輪低。
鼎中龍虎功成後，海上三山去不迷。

王昭君

蛾眉翻自累，萬里陷窮邊。
滴淚胡風起，寬心漢月圓。
飛塵長翳日，白草自連天。
誰貢和親策，千秋污簡編。

送姚端先輩歸寧

知君歸覲省稱意涉通津解纜汀洲曉張帆煙
水春牽吟芳草遠貫酒亂花新拜慶庭闈處蟾
枝香滿身

江村晚秋作

高秋水村路隔岸見人家好是經霜葉紅於帶
露花臨罾魚易得就店酒難賒吟興胡能盡風
清日又斜

蛩

月冷莎庭夜已深百虫聲外有清音詩情正苦

無眠處愧爾堦前相伴吟

感秋書事

官途憔悴雪生頭家計相牽未得休紅蓼白蘋
消息斷舊溪煙月負漁舟

訪廬山歸章禪伯

沉沉石室踈鍾後寂寂莎池片月明多少學徒
求妙法要於言下悟無生

廬山栖隱洞譚先生院留題

壇畔歸雲冷濕襟拂苔移石坐花陰偶然醒得
莊周夢始覺玄門興味深

江行值瀑風雨

風狂雨暗舟人懼自委神明志不邪投得葦灣
波浪息岸頭煙火近人家

杪秋夕吟懷寄宋維先輩

江島窮秋木葉稀月高何處搗寒衣苦嗟不見
登龍客此夜悠悠一夢飛

七夕

星河耿耿正新秋絲竹千家列綵樓可惜穿針
方有興纖纖初月苦難留

吉水作尉時酬閻侍御見寄

謬佐驅雞任常思賦鵬人

時閻公謫官吉州

未諧林下

約空感病來身鏤逕青苔老鋪階紅葉新相思
不可見猶喜得書頻

清溪逢張惟貞秀才

洞隱紅霞外房開碧嶂根昔年同鍊句幾夜共
聽猿考古書千卷忘憂酒一樽如今歸建業雅
道喜重論

送閻侍御歸闕

羨君乘紫詔歸路指通津鼓棹煙波暖還京雨
露新趨朝丹禁曉聳鸞九衢春自愧湮沉者隨

軒未有因

甲子歲罷吉水縣過鍾陵時暮春維舟

江渚謁柴太尉席上作

公侯延駐暫踟躕況值風光三月初亂落盃盤
花片小靜籠池閣柳陰踈舟維南浦程雖阻飲
預西園興有餘却笑田家門下客當時容易歎
車魚

海上春夕旅懷寄左偃

柳過清明絮亂飛感時懷舊思悽悽月生樓閣
雲初散家在汀洲夢去迷髮白每慙清鑑啓酒

醒長怯子規啼北山高卧風騷客安得同吟復
杖藜

江次維舟登古寺

輟棹因過古梵宮荒涼門徑鏤苔茸綠陰滿地
前朝樹清韻含風後殿鍾童子縱慵眠壞榻老
僧耽話指諸峯吟餘却返來時路回首盤桓尚
駐筇

春日招宋維先輩

甕中竹葉今朝熟鑑裏桃花昨夜開爲報廣寒
攀桂客莫辭相訪共啣盃

吹笛兒

隴頭休聽月明中妙竹嘉音際會逢見爾樽前
吹一曲令人重憶許雲封

雲封開元
善笛者

所思

解珮當時在洛濱悠悠疑是夢中身自從物外
無消息花謝鶯啼近十春

吉水縣酬夏侯秀才見寄

啓鑑悠悠兩鬢蒼病來心緒易淒涼知音不到
吟還懶鐫印開簾又夕陽

和友人喜雪

臍雪頻頻降成堆不可除半吟花莫並銷瘴藥
何如謝女詩成處素安睡起初深迷樵子徑冷
遍旅人居惹砌催罇俎飄窻濕簿書最宜樓上
望散亂滿空虛

感事呈所知

競愛松筠翠皆憐桃李芳如求濟世廣桑柘願
商量

送汪濤

知君別家後不免淚霑襟芳草千里路夕陽孤
客心花飛當野渡猿叫在煙岑霄漢知音在何

須恨陸沉

言志寄劉鈞秀才

童稚親儒墨時平喜道存
酬身指書劍賦命委
乾坤秋爽鼓琴興月清
搜句魂與君同此志終
待至公論

訪澄上人

尋師來靜境神骨覺清涼
一餉逢秋兩相留坐
竹堂石渠堆敗葉莎砌
咽寒蟬話到南能旨怡
然萬慮忘

經古寺

殿宇半隨摧門臨野水開
雲凝何代樹草蔽此
時臺遶塔堆黃葉沿階
積綠苔踟躕日將暮栖
鳥巢來

送王道士遊東海

巨浸常牽夢雲遊豈覺勞
遙空收晚雨虛閣看
秋濤必若思三島應須
釣六鼇如通十洲去誰
信碧天高

貽青陽宰

徵賦常登限名山管最多
吏閑民訟少時得訪
煙蘿

哭故主人陳太師

十年孤跡寄侯門入室升堂忝厚恩
遊遍春郊隨茜旆飲殘秋月待金罇
車魚鄭重知難報吐握周旋不可論
長慟徘徊逝川上白楊蕭颯又黃昏

秋江夜泊寄劉鈞

萬里江山斂暮煙旅情當此獨悠然
沙汀月冷帆初卸葦岸風多人未眠
已聽漁翁歌別浦更堪邊鴈過遙天
與君共俟酬身了結侶波中寄釣船

和潯陽宰感舊絕句

追感古今情不已竹軒閑取史書看
欲親往哲無因見空樹林風襟袖寒

又

潯陽物景真難及練瀉澄江最好看
曾上虛樓吟倚檻五峯擎雪照人寒

又

園林春媚千花發爛熳如將畫障看
惟愛松筠多冷淡青青偏稱雪霜寒

又

知君百里鳴琴處公退千山盡日看政化有同
風偃草更將餘力拯孤寒

又

昔歲尋芳忻得侶江堤物景盡情看就中吟戀
垂楊下撼起啼鶯晚吹寒

哭柴郎中

昔歲遭逢在海城曾容孤跡奉雙旌酒邊不厭
笙歌盛花下只愁風雨生棊接山亭松影晚吟
陪月檻露華清音塵自此無因問淚洒川波夕
照明

訪章禪老

比尋禪客叩禪機澄却心如月在池松下偶然
醒一夢却成無語問吾師

泊秋浦

葦岸風高宿鴈驚維舟特地起鄉情漁兒隔水
吹橫笛半夜空江月正明

閑居言懷

未達難隨衆從他俗所憎閑聽九秋雨遠憶四
明僧病後倦吟笑貧來踈友朋寂寥元合道未
必是無能

舟次彭澤

飄泛經彭澤扁舟思莫窮無人秋浪晚一岸暮
花風鄉里夢漸遠交親書未通今宵見圓月難
坐冷光中

宿鍾山知覺院

宿投林下寺中夜覺神清磬罷僧初定山空月
又生籠燈吐冷艷岳樹起寒聲待曉紅塵裏依
前冒遠程

遊茅山

綠蘚深迎步紅霞爛滿衣洞天應不遠鸞鶴向

人飛

又

茅許僊蹤在煙霞一境清夷希何許叩松逕月
空明

鶴

九臯羽翼下晴空萬里心難駐玉籠清露滴時
翹蘚徑白雲開處唳松風歸當華表千年後怨
在瑤琴別操中好共靈龜作儔侶十洲三島逐
僊翁

暮春吟懷寄姚端先輩

無柰詩魔旦夕生更堪芳草滿長汀故人還爽
花前約新月又生江上亭莊夢斷時燈欲燼蜀
魂啼處酒初醒何時得見登龍客隔却千山萬
仞青

送圖上人歸廬山

蓮宮舊隱塵埃外策杖臨風拂袖還踏雪獨尋
青嶂下聽猿重入白雲間蕭騷紅樹當門老斑
駁蒼苔鎖徑閑預想松軒夜禪處虎溪圓月照
空山

送相里秀才之匡山國子監

氣秀情閑杳莫群廬山遊去志求文已能探虎
窮騷雅又欲囊螢就典墳目豁乍窺千里浪夢
寒初宿五峯雲業成早赴春闈約要使嘉名海
內聞

漁父

偶向蘆花深處行溪光山色晚來晴漁家開戶
相迎接稚子爭窺犬吠聲

又

雪鬢衰髯白布袍笑携頰鯉換村醪慙慙留我
宿溪上釣艇歸來明月高

旅次聞砧

砧杵誰家夜搗衣金風浙浙露微微月中獨坐
不成寐舊業經年未得歸

寄楊先生六言

僊翁別後無信應共煙霞卜隣莫把壺中祕訣
輕傳塵裏遊人浮生日月自急上境鶯花正春
安得一招琴酒與君共泛天津

對酒招陳昭用六言

花開葉落堪悲似水年光暗移身世都如夢役
是非空使神疲良圖有分終在所欲無勞妄思

幸有一壺清酒且來閑語希夷

旅夜聞笛

長笛起誰家秋涼夜漏餘一聲來枕上孤客在
天涯木末風微動窻前月漸斜暗牽詩思苦不
獨落梅花

送紹明上人之毗陵

忽起毗陵念飄然不可留聽蟬離古寺携錫上
扁舟月出沙汀冷風高葦岸秋回期端的否千
里路悠悠

再到山陽尋故人不遇

維舟登野岸因訪故人居亂後知何處荆榛匝
弊廬

又

欲問當年事耕人都不知空餘堤上柳依舊自
垂絲

寄廬山簡寂觀重道者

憶昔採芝廬岳頂清宮常接絳霄人玉書閑展
石樓曉瑤瑟醉彈琪樹春唯恨僊桃遲結實不
憂滄海易成塵似醒一夢歸凡世空向彤霞寄
夢頻

思湓渚舊居

昔歲曾居湓水頭草堂吟嘯興何幽迎僧常踏
竹間蘚愛月獨登溪上樓寒翠入簷嵐岫曉冷
聲繁枕野泉秋從拘官路無由到昨夜分明夢
去遊

思胸陽春遊感舊寄柴司徒

王孫昔日甚相親共賞西園正媚春醉卧如細
芳草上覺來花月影籠身

又

煙鋪芳草正綿綿藉草傳盃似列僊暫輟笙歌

且聯句含毫花下破香牋

又

南陌風和舞蝶狂惜春公子戀斜陽高歌飲罷
將迴戀衣上花兼百草香

又

春郊飲散暮煙收却引絲篁上翠樓紅袖歌長
金犂亂銀蟾飛出海東頭

又

昔年常接五陵狂洪飲花間數十場別後或驚
如夢覺音塵難問水茫茫

泉

潺潺青嶂底來處一何長漱石苔痕滑侵松鶴
夢涼泛花穿竹塢瀉月下蓮塘想得歸何處天
涯助渺茫

題徐五教池亭

名士池塘好塵中景恐無年來養鷗鷺夢不去

江湖泉脉通深澗風聲起短蘆驚魚跳

一作藻

荇戲蝶上菰蒲泛泛容魚艇閑閑載酒壺漲痕
山雨過翠積岸苔鋪花影沉波底煙光入座隅
曉香憐杜若夜浸愛蟾蜍步逸心難厭看吟興

不辜馮君命奇筆爲我寫成圖

遙賦義興潛泉

見說靈泉好潺湲興莫窮誰當秋霽後獨聽月
明中澣石苔花潤隨流木葉紅何當化霖雨濟
物顯殊功

和毗陵糾曹昭用見寄

決獄多餘暇冥搜萬象空卷簾疎雨後鏤印夕
陽中還往多名士編題尚古風宦途知此味能
有幾人同

貽毗陵正勤禪院奉長老

隨緣駐瓶錫心已悟無生默坐煙霞散閑觀水
月明竹深風倍冷堂迥磬偏清願作傳燈者忘
言學淨名

舟次吉水逢蔡文慶秀才

別後音塵斷相逢又共吟雪霜今日鬢煙月舊
時心艤棹夕陽在聽鴻秋色深一罇開口笑不
必話昇沉

新喻縣偶寄彭仁正字

經年離象魏孤官在南荒酒醒公齋冷雨多歸
夢長志難酬國澤術欠致民康吾子應相笑區

區道未光

和彭正字喜雪見寄

千門忻應瑞偏稱上樓看密洒虛窻曉狂飄大
野寒園深宜竹樹一作栢簾卷洽盃盤已作豐年
兆黎民意盡安

海上和柴軍使清明書事

清明時節好煙光英傑高吟興味長捧日即應
還禁衛當春何惜醉胸陽千山過雨難藏翠百
卉臨風不藉香却是旅人恓屑甚夜來魂夢到
家鄉

壬申歲承命之任淦陽再過廬山國學

感舊寄劉鈞明府

三十年前共苦心囊螢曾寄此煙岑讀書燈暗
嫌雲重搜句石平憐蘚深各歷官途悲聚散幾
看時一作流輩或浮沉再來物景還依舊風冷松
高猿猶吟

留題胡參卿秀才幽居

竹廕庭除蘚色濃道心安逸寂寥中扣門時有
栖禪客灑一作漉酒多招採藥翁江近好聽菱芡
雨徑香偏愛蕙蘭風我慙名宦猶拘束脫屣心

情未得同

放鷺鷥

池塘多謝久淹留
長得霜翎放自由
好去蒹葭深處宿
月明應認舊江秋

柳絮

年年三月暮
散亂雜飛花
雨過微風起
狂飄千萬家

早春

一種和風至
千花未放妍
草心并柳眼
長是被恩先

春雲

陰去爲膏澤
晴來媚曉空
無心亦無滯
舒卷在東風

送姚端秀才遊毗陵

毗陵嘉景太湖邊
才子經遊稱少年
風弄青帘沽酒市
月明紅袖採蓮船
若耶罨畫應相似

溪石在毗陵

越岫吳峯盡接連
此去高吟須早返
廣

寒丹桂莫遷延

和朐陽載筆魯裕見寄

燕臺多事每開顏
相許論交淡薄間
飲興共憐

芳草岸吟情同愛夕陽山露濃小逕蛩聲咽月
冷空庭竹影閑何事此時攀憶甚與君俱是別
鄉關

叙吟

往哲搜羅妙入神隋珠和璧未爲珍而今所得
慙難繼謬向平生著苦辛

又

成僻成魔二雅中每逢知己是亨通言之無罪
終難厭欲把風騷繼古風

梅花

群木方憎雪開花長在先流鶯與舞蝶不見許
因緣

冬中書懷寄惟真大師

自別吾師後風騷道甚孤雪霜侵鬢髮音信隔
江湖擾擾悲時世悠悠役夢途向公期盡節多
病怕傾壺賤跡雖慙滯幽情忍使辜詩成天外
句碁覆夜中圖落壁燈花碎飄窻雪片籠煮茶
燒栗與早晚復圍爐

獻中書潘舍人

運叶羊千數天鍾許國臣鵬霄開羽翼鳳闕演

絲綸顧問當清夜從容向紫宸立言成雅誥正
意叙彝倫朴素偕前哲馨香越搢紳褒辭光萬
代優旨重千鈞公退誰堪接清閑道是隣世間
身屬幻物外意通真弔往兼春夢文高賦復新
舍人有弔往文春
夢賦行於世也琴彈三峽水屏畫十洲春庭
冷鋪苔色池寒浸月輪竹風來枕簟藥氣上衣
巾茶譜傳溪叟碁經受羽人清虛雖得趣獻替
不妨陳杞梓呈材後神僊入侍頻孤寒皆有賴
中外亦同忻有士曾多難無門得望塵忙忙罹
險阻往往耗精神尋果巢枝願終全負米身遭

逢躬孝治蹇蹇值通津最慶清朝祿還霑白髮
親甘柔心既遂虛薄報何因遠宦聯綿歷卑栖
夙夜勤良時空愛惜末路每悲辛骨立駒猶病
顏凋女尚貧而今諧顧遇尺蠖願求伸

碧雲集卷下





泰興李振宜諱華氏珍藏



趙石雲君玉兩集皆列入八唐人集中向偶見其
他集此二種却未之收過君玉為有諸家所藏
舊鈔本皆雲絕無抄本崑山徐氏書目載宋
刻二集今見卷中有徐氏印信即其舊藏也余
得此書後通過白少堂為其言修綆山房有不全
八唐人集遂訪之內李即有然君玉世居自五
卷未初曾全刻有抑以刻廢存三卷也晁志心載
羣書三集三卷後復自宋再刊而云二卷之初
更更初刻未刻未知何擬今校宋本有宋本
不缺而毛刻反缺甚至字句有極可笑者初所

趙州有利宜此由之學風有國印也毛刻本
小大異宋本所為之學風同其次第則其略曰
西語之新舊抄手校一區毛刻本所取材甚
書不待宋刻竟未少信有以此者三月
一日而魏王亮夫書于下宋二歷之北魏

七月下游湖估以毛于晉舊藏黑格沙命鈔本示余方
曉毛所批以入刻者乃元本也上有元本二字印知
殊墨二筆校字皆于晉手點毛未遇宋本故此
書無汲古圖記九月中游十日書大元

余得此書在崑山考棚為空未春茲二集卷首
各標墨上書一紙云全已九月得為收稿君此書必
必見於空不皆在流寓時何以乃余且亦亦讀書成
名者每在空生人今三好美錫又以得之相於學使者
則此書之由余手書始也而于數美後賦曰凡向
者中清况同春秋名物也從情地收得高上初何必所
然事却在玉山頭其作合奇書在空年空之更有
書後一乃之三全量書業其祖孫今已就其
可作重程望羣小富年玉局材自此登就長
價得者合得替人素其可物何常其高公人亡人得
其子見他年想像其書者說其宗在空年一二月

第 35122 号

平成 3.11.22

聖和学

928

園短大

—

図書館

號 3273 藥
 SS N.E 太平
 學 味 樂
 大 鼓 團
 戲 會 團



